

辛亥六月号在京師僕人姚琮既來以
此為獻蓋得自常熟者惜不全身

山川紀異錄 上册

卷一之三

三卷 似不全



山川紀異錄

山嶽類

泰山在山東泰安州北五里山道屈曲迴盤至絕頂凡四十里
餘上有石表東嶽廟封禪壇環列三峰東曰日觀可望東海
出日西曰秦觀可望長安南曰越觀可望會稽有東西二天
門望秦獨秀雞籠老鴉獅子蓮花懸石諸峰百丈馬棚鶻鴿
諸崖石經石壁鄴都桃花諸谷迴鳥雁飛黃峴思鄉諸嶺牛
心龍口試劍龍紋虎阜諸石迎陽呂公諸洞玉女王母白鶴
白龍諸池又有明月嶂登仙臺東西中三溪山之陰有青帝
觀大雲寺其他峰巒溪澗之勝古昔帝王封禪之名與夫名



賢游士登覽題咏之富不可殫紀

衡山雲密峰有會仙壇仙人石室每夜遇陰晦有光跳躍俗謂
仙燈大禹岩有碑皆科斗文卽禹治水碑旁有石壇流水縈
之最奇勝祝融峰有風穴天將作雨則風自穴出有石廩峰
形如倉廩旁有二戶一開一闔俗傳開則歲歉閉則年豐
龍虎山在貴溪縣西南八十里峰巒峭拔兩石對峙如龍昂虎
踞南去二里有仙岩多為洞穴房室窓牖牀榻倉廩榱桷
杼雞犬禽鳥狀岩凡二十四有水桶在輾轆岩或立或側旦
暮不常若有用之者然皆高出雲表非人力所能為也
天壇山在河南府永寧縣西四十五里旦暮有影其色深碧旦

則在西直插天際日高則偃卧與海相接暮則其影在東先
卧後立一日屢變夜則仙燈現於壇上山有王母洞中多仙
藥有仙猫洞舊傳燕真人丹成雞犬皆飛昇猫獨不去人嘗
見之就洞呼仙哥則聞有應者

武夷山在福建崇安縣周圍百餘里山有枯木楂插石罅間以
度舟船棺柩之屬柩中多遺骸外則陶器俱未壞山有仙館
岩石室中几案具在有仙鶴岩峭壁上繪鶴形千古不渝有
靈岩兩石相倚中有一罅可以窺天有仙機岩機杼備具換
骨岩則山之半壁有石室室前有黃心木如橋上列置蛻函
函中藏仙蛻皆質小而紅色有昇真洞中亦有神仙蛻骨貯

以雷紋甃甌旁有鼎爐號丹爐石有三石相聯望之有姝麗
狀俗傳三女所化號三姑石有二石對聳草木蔓施若宝冠
螺髻像號觀音石有二石卓立狀若倉廩名大小廩石有二
石向空形類人面名大小面石名峰凡三十六真一方勝境
也

黃州府東百里有孔子山相傳孔子適楚嘗登山上有坐石草
木不侵有硯石每雨墨水浸出城北百二十里有小崎山上
有飛來石下有石柱推之者可轉而不仆

撫州府東有英巨山岩中有石人坐盤石上體有塵穢則興風
潤則致雨晴則徧體清瑩如玉又城西四十里龍會山有雙

峰曾真君仙壇在焉中有四穴如馬蹠其泉清冽舊傳雙峰
高者為陽南五里有湯泉低者為陰北五里有冷泉
長山縣長白山南有石室并敗漆船世傳為堯時故物
暖谷在江華縣南寒亭之側盛寒入谷其氣溫然雖挾續熾炭
不若

雷公嶺在新會縣南至幽邃樵者不敢歌謠犯則雷電交至相
傳有雷神司其山邑西南有湯湖村湖之中流僅一席許水
熱如湯其上下之流皆冷

虎丘山在蘇州府閶門外吳王闔閭葬其上踰三日有白虎蹲
踞因名山秦始皇東游欲發之白虎復見遂已山有劍池兩

崖壁立深不可測前有石可坐千人有生公講經臺卽石點頭處有憨々泉雖滿不溢有試劍石并泉為天下第一泉古今題咏甚富亦東南一勝旣也

五臺縣東南五十里有仙人山々上石有人坐迹山腹石有手迹山下石有雙脚迹皆西向立

萊州府黃縣西南有犬蹲山々有神靈漢劉寵出西都道經此山有犬吠之寵曰山神謂我也故吠我耳

繫馬山在寧海州東四十里秦始皇東巡登山攬草繫馬至今草生若繫結狀

彬州城北曾王寨山有石如鼎在石罅中歲久石合而呈石

外有栢樹偃生橫貫鼎耳東南有五蓋山五峯如蓋鄉人以雪占年云五蓋雪普米賤如土雪若不均米貴如銀屢驗州西五里有武丁岡石壁有驢迹儼若畫者

青石山在合州西二百四十里昔巴蜀爭界不決漢高帝八年忽朝雲霧石為之裂自上而下破處直若引繩州界始判上猶縣東有巽山邑人有登科者山下石嶂必生光彩

錫山在無錫縣西周秦閉嘗產鉛錫舊有樵者得古銘云有錫兵天下爭無錫寧天下清有錫冷天下弊無錫又天下濟自光武後不復有錫因名縣至今山常光耀如錫隱現不常

櫃崖在南川縣東南百里峭崖壁立上有石洞々有一櫃居人

每聞斧斤聲必有飛屑隨水而下縣北有龍床灘行者常驗
龍床如拭濟舟必吉龍床髮鬢濟舟必沒頗驗

黎州安撫司城南有避瘴山上有乾濕二洞一空闊高燥一有
水長流其中床座竈突之屬悉具皆崖石天成不假人力每
瘴欲動時飛鳶皆集此瘴已乃出土人避瘴者多居此山出
入以鳶為候所謂飛鳥得氣之先者以此

插竈在蜀空舡峽絕崖壁立數百餘丈有一火燼約長數尺插
崖石間相傳堯時洪水行者泊舟崖側炊爨以餘燼插之至
今存云

岳州洞庭湖君山上有酒香山俗傳山有美酒數斗飲者為仙

漢武帝遣樂巴來得之未進御東方朔先竊飲帝怒欲殺之
朔對曰酒有驗為殺臣亦不死臣死酒亦無驗遂赦之今
春時性一聞酒香尋之莫究其處

臨江府西南有赤土如環者二相去數里舊傳為龍眼掘出輒
雨十過復如初

杭州府西有飛來峰特立不群晉咸和中西僧慧理見之曰此
靈鷲山小嶺也何年飛來因號云人恐其復去羅隱題之曰
既來之則安之六字猶存

祁門縣東北有三石峰巒肖人形每春雨初霽儼若彩服艷裝
俗名三新婦山

壽州紫金山上多車轍馬迹或謂淮南王安賓客遺迹

盱眙縣西南有上龜山東北有下龜山禹瑣渚水神巫支祁於此山之足今山西南上有絕壁下有重淵唐永泰中李湯以牛五十引瑣出之瑣末見一青猿高五丈許復拽牛入水卽大禹所噴者又縣東有山宋宋芾書第一山三字於石字畫奇逸可愛

龍堂洞在章丘縣東南高峙半空寬若廣廈深不可測石罅上有石佛像四十餘旁有繫龍柱及臥龍迹

太原府東北有繫舟山相傳禹治水時常繫舟於山至今山石有環軸狀

舜哥山在壽州東北八十里愛微時常以此山今石上多巨人迹

毛公山在無為州西六十里山之陽有洞石壁上悉刻毛詩

響山在舒城縣南二十五里過其下者常聞有聲如鼓

太白山在武功縣極高峻上恒積雪望之皓然山下軍行不敢鳴鼓角犯則風雨立至

聖燈崖在鎮安縣雲蓋寺側每良夜輒見一燈出崖畔俄散作七八旣而復合為一

贛縣有螺亭山舊傳有貧女採螺倦臥溪側為衆螺所噉而死遂化為石今石上螺殼猶存

虞山在常熟縣西有拂水岩峻絕百仞風泉倒拂如雨上灑北
有龍母祠墓生藤蘿屈曲如龍旁有龍池泉甘而潔大旱不
竭東有雪井隆冬雨雪此獨不凝下致道觀有七星檜乃梁
時所植者今存者五觀有丹井淳熙中浚井者得藏丹礧啓
之化雙鶴飛入尚湖每風雨人常見之

蘇州太湖中洞庭山下有洞穴潛行水底無所不通號為地脉
上有角里村老公壇湖中出石玲瓏奇巧人多用為假山

仙掌山在睢寧縣西石上有掌迹隱見不常

張公洞在宜興縣南其門三面皆飛崖峭壁惟正北一門可入
歎空邃碧有水散流至山傍有石壁多唐人題刻中有燒香

臺仙人房中有石床枕又有玄武石石竈石釜洞北去二
里許有白鶴洞遇旱有石燕飛出即得雨

十房洞在長沙府安化縣北洞門廣丈餘入門若升廳入穴上
有天窓左右列十房各有門鐘鼓備具後有石田石池

武岡州城南有雲山上有七十一峰昔秦遣盧侯二生入海求
藥後俱隱此山今有侯仙迹盧仙影秦人古道煉丹井飛昇
臺掃壇竹諸遺迹

大輪山在泉州同安縣北羣峰環列如異人奇鬼或乘車張蓋
或露冕戴冠或如帶甲或如躍馬或如奔輪其狀不一
貴縣東山唐何特進履光隱此山俱化為石今山頂有石二狀

如人相並立西北一峰如婦人狀搭被簪花號新婦岩又縣西北七十里有山名馬嶺多毒虺恒殺人惟冷石可以解之其肩着瘡卽活俗傳山有馬嘶及聞奔蹄聲則邑多疫癘又縣北山路傍有登仙崖每歲聞宴鼓聲則歲豐人安聞戰鼓聲則兵戈起屢驗又邑之南山有石鍾居人不敢擊之則風雨立至武緣縣江水中亦有石鍾撞之風雨隨作好事者常試之

袁州府東三十里有石乳洞深里許滴乳堅凝成觀音羅漢像人游宴其中穀核狼籍經宿如掃

龍泉縣西龍山上有風穴每霜夜風自穴出怒號尤甚至辰卯

始定陰雨則息有樵者以土石塞其穴乃出山下潭中波濤洶湧久乃復故

鉢池山在淮安府西形類鉢王世傳王喬嘗煉丹於此至今山中一方土赤色不生草木

樺蒲山在桐城縣東北山有二石如二人相對樺蒲因名山

王喬洞在巢縣北洞可容三百人前有仙人手迹後有朱熹嘗游到此六字刻石

武宣縣南有仙岩山岩高丈餘深十丈石壁上有仙人影中有泉滴成乳又縣外四十里山有石如人名仙人山

響山在連寧府東其山空洞枕溪行人相呼若有應者

皖寧縣崇安里有靈鷲山半岩有亭中藏仙骨一函

上杭縣有銅鼓山聞其聲則歲稔石壁有倒書千年二字今存

又縣南有蓮花石屹立溪中狀若蓮花又石壁間儼然婦人

逐一鷲狀

南陽內鄉縣有笮嶺山峭壁如削上有忠國師結茅處其神威
嚴不可犯董穢酒炙一至山頂則雷雨至

浮丘山在廣州西郭外先在水中山面皆為痕今所見惟一磐

石水雖盛長其山如故

峽山在清遠縣東兩山對峙萬丈陰森中束一江深險莫測
山絕險處有飛來寺相傳梁時自天祚飛來者旁有古松六

觀間皇城使錢師愈之從者伐樹取脂以照夜殿直錢吉老
過此夢者莫難以祈年因語諸文室補之以土弘治六年始
瘁又有和光洞安昌期隱此留題惠帳將辭去猿猴不忍啼
翠書自為朋友孰相携丹竈非無藥青雲別有梯峽山予
曾聽人莫擬夷齊

金芝岩在峽山高處東開室間產金芝二十莖內分三洞俱有
石竇通外一洞有石井深數十丈一洞有水石三拳卓然並
立四時水滴其上亦不濕地岩中有丹竈洞口有五色榴花
九公山在陸安州山有石柱九其狀如人

溧水縣東南七十里有芝山上有李子洞泉出沸湧相去三百

亦有燕洞其廣容數十人中多石燕遇雨則飛晴則復墜為石

顧龍山洪武初駐驛此山上有宝床及

柳題樂府碑并萬歲碑存焉山在金壇縣又縣西有石墨池相傳費長房學道於此書符滌硯澗石俱黑色

善卷洞在宜興縣國山東南周幽王時洞忽自開上有巨石形常如墮中寬廣可坐千人周圍峭壁多刻佛像有石柱高丈餘號玉柱又縣西北有漏湖昔有漏姓者居此得龍卵持歸地遂陷為湖

池州南六十里有古仙洞中有石碁局石鑼鼓各一

梁山縣有金鳳山其崖有罅皆洞然虛明其石上若圖仙女狀面貌儼然若搖動迫而視之則自若

琵琶峰在巫山縣此鄉婦女多曉音律亦風土使然

永安縣東南有斗山背有風穴雲洞有石龍居竇中樵者攀援而上恒得覩頭角鱗爪之異

大寧縣東北鹽泉側有二仙洞峭壁上有紋如人相對起伏狀洞中有仙骨長丈餘洞前有池常不竭

書院峽在梁山縣東石市北每風雨如聞讀書聲其中夫子崖子貢壩

武昌府有呂仙遺跡一在黃鵠磯石壁上遺像儼然一在府東

紫荆山西石壁上臥迹尚存並有洞賓仙迹四字鑱于石
上杭縣西南有黃仙師廟相傳昔有山精為害巫者黃七公以
符水治之因隱身入於石今石壁間有人影儼然仙師像
興化府西南嵩山上有峰名文筆石壁間苔蘚成紋宛然文筆
峰三字刮去復然

仙游縣南鳴山頂有風穴天將雨則其鳴若雷過三日不雨則
旱

雅州榮經縣瓦屋山羅漢閣下有雷洞深不可測或投以瓦石
應手雷震

鹽井衛西北有鑊石山出砮石燒之成鑊為劍最鋼利

鑊船峰在廬山相傳許旌陽與吳猛游紫霄峰二龍挾舟以行
為舟人所窺遂委舟去今峰下有編底池山有禹刻石在石
室中極深險有好事者縋而下募得百餘字皆不可辨僅有
鴻荒漾余乃樺六字可識山有鬼砌墻乃慧遠寓此時陰功
為之砌者至今不受山潦衝擊有香爐峰其形圓聳霧靄如
煙有石梁三各長數丈廣不盈尺視下杳然無底有瀑布泉
如匹練懸崖四季不竭山僧以竹引注釜中

易州城南有龍迹山石上有仙及龍迹又西麓合有一坑大如
車輪中有四穴春則風出東夏出南秋出西冬出北嘗有僧
法猛入其東穴見其中有石堂石人欲窮諸穴忽聞厲聲云

其餘三穴皆如東者不宜更入猛乃出

揚子江中有金山每大風四起勢若浮動故名浮玉山上有襄公洞龍玉池妙空岩善財石後有鵲山西有郭璞墓水雖盛長墓只如故北有焦山上有羅漢岩宋理宗書三字揭之下有磨崖石刻瘞鶴銘今没于水

黟縣林厯山東有石洞內刻石佛像西有瀑布日千丈崖瀉下又有仙棊局石曰存焉

南豐縣紫霄觀有壺公岩極峻人迹罕至中有一榻木為之堅如沉香又存石函丹竈

通州狼山東有刀刃山秦始皇嘗於此磨劍遺迹今存

雷番山在馬湖府西三百八十里隋史萬歲征西南夷嘗書雷番山三字于石壁今存山多毒草經過驢馬必籠其口人行亦必槭默者或高聲雖六月亦有雷電之變

汝寧府固始縣二百八十里有橫溪山夾橫水上舊傳山為唐武后梳洗崖相對有照鏡崖內有胭脂石粉石油石火石其下有沙分為十八道

雙流縣有聖燈山每夜陰晦輒有燈火現

繁昌縣馬仁山有石類人馬狀唐時石馬妖鳴命斷其首改為馬仁山上有韜玉龍首馬人羅漢雙柱五峯又有石菴觀音岩雙猫石

安仁縣有仙岩七半有穴三十四人不能到下有溪流漁人仰視穴中見各有杵臼織杼紡車床具水桶倉板之類每占倉板開則歲豐閉則歲歉屢驗

廣東懷集縣西有四門岩山起平地下有石室外有四門岩中石乳凝結為柱者八為蓮花者一岩之東北有游仙岩中有化龍石一石人一又縣西八十里朝岩石逕窄暗其中明敞石乳凝結為珠玉瓔珞鳥獸虬龍狀者甚多

瀏陽縣有弄光岩四面峰巒渾然天成一石上懸狀若華蓋名曰仙座一穴極深上有羅漢龕孫真人丹竈去東五十里有古風岩中黑暗明火可入內有石床鍾鼓棊枰橋梁皆白石

天成溪水內出灌田百餘畝

曲江縣有玉山躡一處則百步皆動今不知其所又縣東北有錢石山其狀如臺其石三面壁立上多碎石如錢

仙居洞在淳安縣東南連接十數洞皆有一竅可通往來最外一洞有石如龍蟠下有石座上有盆池龍口水注其中去縣東北有仙女洞歲旱禱之則環山皆雨不及他境

龍湫山在平湖縣東南山有龍湫山椒有盤陀石歲三月十八日吳之陽山與是山多雲霧晦冥雷雨之變俗傳白龍以是日生于陽山而歸藏其母於此山故建祠若旱禱者酌酒石上有物蜿蜒則雨立至

廣德州東北七十里有大洞廣數丈深不可測游者秉燭而入見石燕羣飛乳泉凝滴神人佛像其盤鍾磬之屬皆白石天成其東洞深莫測有神龍居之遇旱禱雨輒應

桐廬縣富春山乃嚴光垂釣之所上有東西二釣臺清風高節二亭清麗奇絕真水秀山明之地

蓬州有山燈夜現凡五處初三四點漸至數十點高下相應離合不常在蓬山者尤顯異

安福縣西武功山根據袁吉二郡其大八百餘里上有葛玄仙壇旁有石塔時見火焰若金燈然

泰和縣西北有登科嶺下有應夢閣赴舉者預宿其上求夢多

驗

安福縣有曾石山狀若魚背山腰有二石高數丈其一俯首如墜其一壁立若相支持中空可通往來又西南蹲山有風窟繚繞百餘步無草木每風出飛沙揚塵

滁州全椒縣西北馬鞍山石上有人迹又有拄杖迹其北有仙人洞今口廣尺許深不可測舊有人仙去遺馬鞍於此因名山縣東南有九鬮山乃項羽與漢兵一日九戰之地今山石多磨勵刀鏃痕迹

武康縣舟山邑人數於山上掘得敗木如船片因名山小孤山在宿松縣南江北岸孤峰峭拔與南岸山對峙如門大

江水至此隘東而出其下深險可畏舊旁有沙洲居民成市
成化乙巳大風雨三日洲盡崩塌其下俱木椽岸北復漲為
洲民徙居之

青山在桐城縣山有草木四時常青上有石屋石鼓金雞洞洪
武初有瘞其上者日者奏其異發兵掘塚見瘞者舉體化龍
惟一手猶人也首離江水僅尺許遂斬之赭其山今斬龍廟
存云

來安縣北有馬頭山石上多人馬足迹

雞籠山去南康府西十五里山旁二石一赤一青望之如雞籠
然山下泉與江湖相應晷刻不差朔望尤大

連州有仙岩在州北論富鄉岩洞軒豁其明如屋其中有石
石床又有石潭水黑涼者不敢入又遷義鄉有廖仙君煉丹
岩從臺閣有階級可上山中丹竈具存

彰德縣有石磬山有虛厓若磬擊之聲聞數里

定遠縣東北有韭山多暖多韭故名上有石城兵荒時民嘗依
以保聚山下有洞穴其中澗水常流石形如甃物者甚多左
右多唐人題刻深處有石觀音像後為峻厓游者莫能至輒
踰水而還

平樂府東九里有縈山多勢縈迴險不可涉中多木客形類小
兒行坐衣服不異於人時出交易作甃人亦無別

鉛山縣西南有鉛室山石竅中涌泉浸鑿可為銅天久晴其地
生礬人多拾之

平樂府有目岩山岩間有兩目如人眼而大瞳子黑白亦甚分
明

鬼谷山在貴溪縣山有蘇秦臺張儀井其洞幽深入必以燭周
圍四里可容數千人旁有一洞口甚狹昔有人入者迤邐甚
遠見人物廬舍儼如人世

永新縣有室仙聖洞在石灰山內有石天窗石羅漢石觀音石
鼓擊之有聲後有石龍噴泉後洞深踰半里中有石房石床
石乳石燕等石其石色白而細土人鑿取為灰隨鑿隨合

蘄州東北有鼓角山天欲雨先聞鼓角聲

香山縣龍角山有龍井一天然石堦深約二丈闊五尺餘上有
石隱然如魚高三尺長九尺雨成則水垂如簾天霽則懸瀑
如布盛夏時聞雷聲隆冬寒氣逼人常有紅蜆隨日見于東
西蓋日光水氣映耀而成者又常見龍物出沒其中旱禱輒
應

靈岩山在蘇州府西南乃吳王館娃宮故地下瞰太湖望洞庭
兩山上有西施洞翫花池採香徑及琴臺諸勝行其上者恒
覺有聲蓋其中空虛乃地肺也

鎮江府東南馬迹山有青童君馬迹有青龍黃龍二洞替通華

陽又有抱朴子丹井存焉

池州西南有鯉魚戴山峯巒峭拔飛瀑掛石壁間凡三級下各有潭上有巨石附飛流中如鯉魚狀因名山

高郵州西南有神居山上有排牙石欲數之者再數必差終無能知其數之的者謝安常煉丹於此石井石曰具存

九嶷山在寧遠縣九峰相似故名山有天湖產禽如雁錦羽尾長六尺又有石洞門左右列石人冠劍而立

梧州府城南隔江一里有火山上有火每三五夜一現狀如野燒或云宝珠之光或以為宝劍之焰山中產獸三足名麋郡有灾福或使車至則先鳴

常德府梁山側有風門山有石門每風將起此門先出黑氣若煙霧然

臘嶺屬翁源縣南十里高餘千仞極高處盛夏寒如臘月因名山上有仙翁樂竈今存常產異卉有名為藥子者狀類五味子而色緇黑味苦而辣能消食化氣人多採食之

山川紀異錄

水石類

濟瀆廟在河南濟源縣瀆中若有神物時顯靈異禱者心誠則所拋之物隨沈否則浮水累日不沒每見湧出器物綺帛之類出水而乾雖標號千百年者宛若新造廟宇森嚴古木叢茂祀典尊崇歷代皆然

半湯湖在應天府東北四十里水同一澗而冷熱相半熱可瀾雞魚入熱水輒死民引以溉田一歲再熟

施州衛城南百二十里有池多蝦蟆方春水漲悉跳躍上岸其前趾變羽輒隨禽飛去土人常得之雀網中

南康府東有紫岩泉其泉有上下二竅上竅流則下竅乾下竅
乾輒三日一周

岐山縣周公廟旁有潤德泉時平則流世亂則竭宋雍熙間賜
名

金山寺有中冷泉天下水味此為第一唐李德裕常使人取水
或雜以他水德裕嘗而辨之使者驚服

蜀中蓬溪縣伏龍山有火井地窪若池以火引之有聲隱然出
地少頃炎熾夏月積雨停水則焰生水上火為之沸而寒如
故冬月水涸則土上有焰觀者至焚衣裾印縣西八十里亦
有火井深二三丈以竹木投之取火煮井水一斛得鹽四五

斗以家火煮之減半

潮水臺在京山縣北百餘里泉隱于石一日凡兩潮至石上
水湧其聲如雷俄頃聲息則水漸退又縣北十里有馬跑泉
舊關羽駐兵此地士卒渴甚夜聞虎哮聲馬驚跑地因得泉
至今民賴之旁有卓刀石今存

樂平縣鳳游山有石竅僅尺許日常兩潮其出泓湧其收盡涸
鍾山有一人泉在絕頂上僅容一勺終日挹之亦不竭

丹陽縣東南二里有雙井相去數尺南者色赤北者色黃

四川南川縣之廢隆化縣北有泉日三潮晷刻不差每潮至有
聲如雷遇春秋分其湧倍常聲聞數里又縣西奉恩溪上有

色如水銀形如白蛇者二沂灘上下或謂室劍之精

廣西慶遠府南二里有龍泉湧出僅勺合而潤澤立畝利甚博其水屯重於他水黃廷堅嘗以斗量而試之

思恩縣北有婆方泉常隱不見行者渴而求之即湧出天河縣西有三潮水一日三潮既退其流僅一線居民藉以溉田多其利

東莞縣西英烈祠有龍舌泉井石上支如舌泉出石下如龍口噴水味甘而美日汲不竭又縣東南廬山多仙桃楊梅任採而食携出則迷路莫知所之

鼇江在新城縣舊二氣亘於江晝夜不滅及杜建徽羅隱生而氣不復見識者謂文武秀氣

茅山有喜客泉每客至泉湧出又有撫掌泉聞擊掌聲則湧沸不已金壇縣方山亦有泉客來即湧去復如故

三井岡在應天府南五里岡有三井汲一井則二井皆動壽春縣有九井亦然

壽州北有珍珠泉旱暵不竭每聞人聲則噴湧如珠又州東北十里有泉平時無波人若大叫則大湧小叫則小湧吐之則湧赫甚俗名吐泉

閩中嘉陵江宋雍熙中忽生灘類龍爪二陳相繼為狀元豐間復生一灘馬涓亦首榜

巴縣學前有虎井若有聲如雷其年必有登科者

章丘縣危山頂有聖井乃穿石而成者其汲不竭否不盈又縣東廿五里有上方井常深不竭去里許有下方井常盈不流半湯山在巢縣山有二泉合流一冷一熱數里之外如相混魚自冷水觸熱者亟回

東莞縣有雙女湖舊傳二女溺湖中晴霽時每有雙鯉出沒陰晦時或見二女乘舟湖上

阿速州東北有火井水溢于田有烟氣投以竹木則火燃夜亦有光

江寧縣南六十里有響井開刻元祐五年字或以紗帛蒙之擊

之如鼓聲投以瓦石聲如鐘磬

清遠縣滘江鄉有湯泉巨石方丈餘中凹如鑊圓八尺許泉湧其中熱如滾沸可以熟物

豐城縣西南有劍池即雷煥得龍泉太阿二劍處前有石函長踰六尺廣半之土瘞其半俗號石門縣南有澄山其下水至澄澈土人取以造麩色如丹砂

贛州府南有三潮井每潮至則水溢井口潮退乃平日凡三次新野縣有彈子池光武嘗彈蛙於此始今蛙無鳴者

興寧縣東有石名仰竈四面壁立中有深潭其氣上騰如炊遇旱禱之則雲霧四合俄有小魚躍出急以器貯之則雨立至

否則變異交作泉水湧沸

方石在南豐縣東諺云沙州到方石前南豐出狀元建昌府東五里有龜湖讖云龜湖衝擊狀元生宋時水決張淵徵果登第

崑山縣有怡亭潮至此必出大魁俗傳潮至怡亭出狀元宋縣令葉子強嘗作問潮館宋淳熙中狀元黃由衛相繼應讖弘治六年毛澄中首榜潮亦應兆云

常州府西有劍井郡人有拜樞相擢大魁者井輒先有瑞氤氳者累日

歸州有濯纓泉中有神蛇人穢其水蛇輒出現

陝州東黃河中有砥柱山屹立中流其形類柱又有蝦蟆泉在州城門西水自石眼流出内生科斗遇旱禱雨輒應

梁山縣多喜山有雌雄二泉春夏則左盈右竭秋冬則右盈左竭

雲陽縣西有天師泉每歲五月江水漲濁不可飲獨岩竇間一水溢出清冽甘潔一邑用之不竭盡九月而止江水亦清麟游縣有醴泉唐太宗避暑九成宮見地微潤以杖導之得湧泉其味如醴

汧陽縣東南有馬迹泉旁石上有人馬迹近處有秦王鑄劍爐

韶州府上禮都有目嶺水中有石穴如人目瞳子黑白分明因名水

合竹灘在英德縣北十里水勢迅急波中有石宛然如竹

褒城縣南有污水又名漢水一水二名漢中人多生癭又多生粗脛其樹木亦多癭蓋水土使然

醴陵縣學前有水湧自地腴如絲如霧用白器酌而澄之其色深綠可以書字每出則其歲中科目者必多

噴雪泉在瑞州府西六十里唐呂仙憩息於此以劍卓地泉水湧如噴雪因名

遵依縣福泉山有湯泉寬平約半畝泉水沸出其溫可浴湯山下亦有湯泉浴之可以愈疾惟保安州南者其水常溫冬亦可浴

荊州府濟江西岸雖洪水暴漲岸常得不浸或以為地肺

永平府譙樓前井每天將雨則氣自井出居民遇旱常伺之為雨候又城東五里有大石盤礴上低陷如馬槽相傳為張果飼驢之器

金線泉在濟南府西石堯方池泉發其下東注城濠澄澈見底波心南北有金線一道見諸水面

保安州北保寧山洞穴穿窿中有石如仰盂泉出其中僅一斗許雖羣飲不竭冬夏常然

東流縣東歷山上有二池其一常乾雖久雨不停其一雖久旱不涸又縣東六十里有巨石平如掌上有鹿迹相傳乃葛仙跨鹿飛昇之地

進賢縣有日月湖水涸則分而為二漲則合而為一中

有石人灘合狀元生

新昌縣東有湖許旌陽濯衣於中至今湖水清澈不受污穢

翁源縣西北五十里有銅水極腥惡可浸錢成銅所過砂石色

皆赭然不生魚鼈禾稼之屬即曲江膽礬水同源而異派者

泉州府東黃龍洲每春水後土人視沙之多寡占一歲豐歉云

巫山縣東有孔子泉一名聖泉其俗雖童子皆能書

武平縣黃公嶺有泉一泓從石而出雖千百飲汲之亦不竭

縣南八十里有南安岩二南岩窈窕虛曠石室天成東岩

窄而石龕尤縝密

圓泉在彬州永興縣南其泉半暖半冷十處極清煖處極濁

貪泉在廣州郡石門東小江南人傳越嶺而南者一飲此水則

生貪心晉吳隱之為廣州刺史酌泉賦詩而操愈勵

江陰縣治去江一里許但潮汐至縣前是歲必出魁解屢驗

歙縣治南殷公井下有二穴一通縣北石壁潭一通縣南釜潭

人凡遺物於井多於二處得之

婺源縣南朱熹故宅有井乃韋齋所鑿者生朱子之夕井中紫

氣接天

順德縣龍興村有水井山上有土穴周圍十餘丈遇除夕居民以新娶者就穴中開十二穴為一歲十二月之次汲水置于中晨興視水痕消長占是月之旱澇甚驗

枝江縣周圍百餘里有九十九洲或云洲不滿百故不出王者宋文帝在藩忽生一洲未幾嗣位

隨州北百八十里有厲山上有九井相傳神農誕生時九井自穿汲一井則眾井皆動

應城縣京山有溫泉平時淵靜如鑑一聞人声則湧奮發其熱可以煇雞

天水池在江津縣北邑人春月游賞競於池中撈摸得石者生男得瓦者生女頗驗

仙湧山有紫衣井在新會邑南舊傳有紫衣僧見石罅間遂有潤流涓滴味甘列鄉人因決土甃之為井僅闊二尺深尺許日汲之不竭

成都府有三台井隋文帝夢三台星墮于西南化為井遣人潛訪之有道士馮善英者脩地得三井汲一井則二井皆動因名又城南有五石各高丈餘下有海眼昔有起之者風雨暴作

廬山有神泉宋光宗在東宮時問隱士皇甫履以山中所乏履

對曰但恨水差遠耳光宗因大書神泉二字遺之命歸後隨
意鑿一泉後履於菴側穿井方施菴鐘而泉已湧出因名神
泉

天星湖在嘉興府東北湖中水草不生雖大旱不竭

墨池一在撫州府學乃王羲之學書處一在金谿縣距白水寺
三里許乃謝靈運滌硯池水皆黑

淳安縣西北有擔鹽山錢鏐徵時常販鹽經此遇渴以拄杖觸
岩泉忽湧出今名拄杖泉

臨安縣西有天目山兩峰高峙頂各一池左右相對因名山
無為州北有笑泉相傳呂仙卓劍于此泉忽湧出石底纍纍下如

貫珠然聞人笑語則泉益滾沸州北三里有仙人井呂仙過
此飲水于井今井闌上跪迹尚存

臨城縣北有狗跑泉相傳昔人有醉臥草中者犬見野火將及
跑地得泉展水濕草主得以免故名泉

巢湖舊為巢縣相傳江水暴漲遽退街有魚重萬斤居民斫而
食之獨一媪不食有老叟曰此吾子也不幸罹禍汝獨不食
吾將厚報東門石龜目赤城當陷宜謹候之媪如言日往覘
候有稚子欺之以硃傅媪目媪見急回登山而城已陷矣每
遇水涸湖中井竈歷歷可見

撫州西四十里有雙黃井昔曾真若煉丹於此用雙黃木甑甃

井至今

高郵州樊山鎮有玩珠亭揚州天長澤陂中有一大珠天晦即見後徙入樊社湖孫莘老嘗見之遂登第或在新開湖凡十餘年鎮當珠往來處行人嘗維舟以待其現因名亭

貴溪縣西有自鳴山上有湖天欲雨則水自湧其聲若雷

東莞縣有圓沙舊識云後三百年石龍過海狀元出又有沙頭

圓出狀元之識屢驗

吉水縣東有鑑湖諺云青湖水決鑑湖坎文江出狀元洪武庚

辰湖廣正統壬戌劉儼應之泰和縣南有龍洲諺云龍洲過

縣前泰和出狀元永樂乙未陳循辛丑曾鶴齡應之

竹山縣西有潭投石其中雷雨即大作

南漳縣北雙池寺有珍珠池人於旁呼蹴則四圍水躍踊如珠

又縣西歇馬廟側石上有坎出水僅容一碗日取不竭

熱池在香山縣南雄伯村田蔭中闊四尺餘深五尺潮長則沒

潮退則現其水黃濁恒熱如湯或投以蝦蟇輒變色又有冷

池在邑南大范山下闊丈餘深三四尺元季已涸洪武初復

出清澄消潔味甘而冷

無為州治有墨池乃宋米芾為守時所鑿舊池中蛙聲聒人芾

取尾押字投之蛙遂不鳴芾書墨池二字今存

牛渚磯在太平府外世傳下多怪物晉溫嶠燃犀照之見水族

覆火奇形恠狀有赤衣幘乘車馬者至夜夢人謂曰與君幽明道別何意相照嶠尋卒

瞿塘峽在夔州府東兩崖對峙中夾一江其深無底灩澦堆當其口冬出水二十丈夏即沒秋方出諺云灩澦大如象瞿塘不可上灩澦大如馬瞿塘不可下峽人以此為水候

連州清虛觀有虎跑泉舊山中無水廖仙君寓此夜聞虎跑聲旦視之則泉湧石罅清冽甘美石上虎迹今存

常德府治北有丹砂井泉赤如絳舊傳廖平以丹砂三十斛烹井飲之者輒壽考宋人有疑其水赤者試掘之得丹砂數斛温州府雁蕩山有龍湫白氣上騰界破山色遙望宛若瀑布人

喝之則氣斷化為微雨頃刻復續

孔明八陣圖有三在夔州峽者六十有四方陣法也在新都縣牟彌鎮者一百二十八當頭陣法也在棋盤市者二百五十六下營法也或為人移動或為漲潦汨沒既退復如故若有神靈護持者

趙州交河有石橋垂成張果騎驢過之橋動驢仆今石上笠印驢迹猶存

東莞縣西南有石鼓山十起平地有石如鼓時將亂則自鳴昔盧循來寇鼓隱然有聲

興國縣儒林鄉有石龜背具八卦逐月隨斗杓旋轉或以為恠

移置他所翌日復歸故處累驗皆然因祀之

慈利縣武口寨石上有花如堆心牡丹枝葉繚繞雖精於畫者弗能及或以物擊碎之一拂拭則其花復見重疊不一

祁陽縣湘江側有石如獅子狀識云獅子銜毬出狀元湘江極清雖深十餘丈亦見底

桐廬縣西北四十里有一指石長丈餘高五尺綴岩谷間以手抵之則搖動人力多亦不能移又縣北二十五里有仙基石昔有郭先生者驅虎負箬葉出杭市鬻錢以周貧者歸則與仙侶奕碁今石上碁局猶存

雲南縣西二十里石有篆文如印俗謂地符人莫敢踐又點蒼

山龍首關南有石如耳竅其深不測土人患耳疾者投海魁于中即愈

碧雲岩在廣西富川縣治南岩洞深邃洞上石脉成字曰廣陽島遠望分明近視之則如擘絮狀

和州西北歷陽山有石印舊傳石印封發天下當太平舍山縣南白石山有洞深不可測中有池及石壇又有石如龍鱗甲悉具州北三十五里有平疴湯泉其色深碧沸白香氣襲人患瘡疥者浴即愈

南康府東五十里有石鏡峰有圓石懸崖間明淨照人可見影然隱見無時又彭蠡湖中有荻山其形酷肖

鶴迹石在淳安縣東石高五丈許上有鶴迹九長徑尺許旁有馬虎迹相蹂雜皆出天成縣東北五十里有魁星石星隕所化有拳石浮躍水中俗稱錢王稱鎚石西七十里有龍眼石石壁對列二眼黑如點漆有泉出其間如滴淚

神居山在高郵州西南六十里山有排牙石欲數之者再數必差終無能知數之的者

石碑在耒陽縣東五里孔明斬雍閭擒孟獲回軍經此立石紀功歲久字不可辨相傳立石誓云後有功在吾上立石於右宋狄青破儂智高立碑其右尋為震雷所擊今存斷碑橫仙其側

萬載縣南七十里有巨石如鍋中常有泉天欲雨則雲氣自石出如炊煙然

南寧府橫州西有石如牛皮上鐫橫州二字俗謂神仙所書府境南山有銀甕迹相傳有神仙煉藥遺甕于山今上山觀之則莫究其處及下瞻望宛然復見之

英德縣竹運都有碧落洞石室深邃中多懸石狀若麾旄羽蓋旁小洞號雲華昔有人蛻骨于中皆勾連好事者鑿石函貯之目為蛻仙臺縣東有英石嶺產英石狀如人物者皆出自天然宋志稱石無芥鑿迹有金玉聲故以名州名縣云

金華附義武縣白陽山有怪石其色隨時而變年豐則黃歉則

黑鄉人以此占候又府東三十五里有新洞宋紹興間一石
摧下旁露一竅風自中出振動山谷洞中皆石乳登之者如
入銀樓玉闕

蘄水縣南龍潭上有巨石高數十丈每邑中擊鼓則此石輒應
四川寧州有畫山石石上有文粲然如戰馬狀無異畫圖
吉水縣西北有崆峒山多黑石能化為白每石化白其年輒有
擢科者

山海衛長城北石上有亂杵迹及婦人迹相傳秦孟姜女尋天
時遺迹

岳池縣有龍穴山岩石上有巨龍廻旋之迹

保寧府東蟠龍山有玉女房一石高五尺廣四丈中有戶及
門扇若掩閉之狀

夷陵州西有黃牛峽峭壁間有石宛若人牽一牛者人黑牛黃
形迹甚肖

臺城同泰寺即梁武帝捨身處有醜石四拳各高丈餘俗呼三
品石

盩厔石在萊州府北臨海一磐石方圓五步上有污罇狀世傳秦
始皇於此鑿盩盩以盛酒醢祈祭百神者

遼東廣寧前衛西南有孤石屹立海中高百餘尺周圍三十餘
步上有仙人石其盤下有黑白石碁子每潮落人多取之為

奇玩

平江縣西北有龍影洞深邃三千餘尺周三十里石壁瑩然上有龍影屈伸蜿蜒鱗甲如繪

雲南石屏州秀山有砌碌石高七尺左右各一石高二尺宛然獵犬逐鹿之狀又州西八十里有石高四尺圍六尺上有龍馬蹄迹旁有小石四呼為風伯雨師旱禱之輒雨

弋陽道中臨河有石號雷打石過者呼之輒應

臨湘縣南大江濱有石高十餘丈宛若道人面北立又磯中有二洲南曰黃金瀨北曰黃金浦上有白石高丈餘光瑩如鏡名石鏡

大理府點蒼山出石白質青文有山水草木狀人多琢以為屏山有高河泉深不可測入至或高聲則雲霧驟起風雨卒至其旁出菜莖紅葉青味辛辣土人采以為茹

通海縣東南二十里坡上每旦有白沙印巨人迹或掃去之明日復見俗號仙人坡

石門縣西有石門高三百丈中闢如門相傳吳永安中其石自開因名縣

安鄉縣西有巨石枕澧水其形如龜居民歲首刲羊以祭如石潤則羊豐焦則歉驗之屢應

雲南臨安府北青峰坡有一石高八尺廣半之名俄碌石數人

搖之可動千人拽之不倒又西北有臥龍岡上有磐石高五尺餘廣如之其裂隙中有物如小蛇隱見不常人以為龍又廣通縣北有龍街洞入者恒聞音樂聲

礪嘉縣黑初山下有石狀如冬瓜其色如鍊今移置縣治前韶州府南滄溪都有臨水源石室深五丈闊一丈前有磐石上有石狀如甕舊傳石旁時列銀瓶山行者取之輒迷路仍置故處乃得返

汾西縣東轟々澗々中有穴望前噓而出聲望後吸而入聲其聲若雷因名澗

元氏縣封龍山有試劍石唐郭元振游學時見石中裂出五色

雲氣探之得寶劍左丞史彬書試劍石三字今存

崑山出石白質紅紋擊之生火置金池中供奇玩

潛縣東有石柱高二丈圍一丈天然自成者上有古篆十數字或謂秦時所刻

新城縣東飛猿嶺下水岸側有石方廣三尺餘上有脚指模全其迹倍常

撫州府東三十九里有石廩中可容千斛相傳石廩開則歲歉閉則年豐

蘇州西南有石公山々根一石絕類老翁立水中洄不露潦不沒又有穹窿山宋米芾詩題兩壁下有海雲菴茶樹二株皆

連理

樂安縣北閱武山有石月下有足迹長二尺餘

寧縣黃龍山有冷暖二泉同出一處相去數尺寒暄各異
動石在廣州郡北龍眼堡象峰一石魏時人叱之輒動
南康縣泥水口有三石形與人似居中者號為君左曰夫人右
曰女郎

永康縣東有石翁山孤石特立其狀如人又旁有一石絕類婦
人縣東南有石室山緣崖而上南北二穴相通可容四百人
中有石柱一又有石形若竈

濟南府西北有藥山產陽起石又上有蜘蛛石下有蝦蟆石其

形酷似

歙縣西北溪水中有跳石去岸數丈舊有羅腰者膂力絕人常
躍過之今足迹猶存

寶慶府西塘側峭壁上有雞形二毛羽儼然又武岡州城東二
石相合高二丈名和合石上有秦時盧侯二生仙迹

零都縣有龍門石歲當大比若裂聲如雷是謂龍門開其年必
有登科者

贛州府北黃唐山有石室上列天窓下有石人二皆巾櫛而坐
每丙日聞笙簫音又府南崆峒山其巔有湖下有扁舩底人
或動之風雨立至

衡山縣東江邊有錦石數片爛若文錦

耒陽縣東有巨石橫道俗傳秦時驅石塞海此其所遺者又臨武縣有熱石置物于上立焦

仁壽縣踰鰲山有石如姥歲旱土人轉徙之輒得雨

成都府西門外有雙石筍長三丈重千鈞乃古蜀王死臣丁立以為墓門華表者

當陽縣沮水北山谷有巨石四其色類鏡其形若人名鏡人谷

河南府南李德裕庄多怪石名醒酒者尤奇醉卧之輒醒

內鄉縣有龍泉中有白壁石柱

舊傳太公所居

章昌 大像山崖上有石佛像自山頂至山脚高凡

一千二百三十尺

夔州府萬縣西岸溪有天生橋乃一巨石其長與溪等而平闊如橋溪流出其下又縣北集虛觀有巨鏡紫色歲旱禱雨燒之汗出則雨乾則無

龍石在建陽縣石壁上龍形儼然凡二百尺出自天然

蔚林州東南有石牛每遇旱居民殺牛禱雨以血和泥塗牛背祀畢即得雨泥盡乃晴

潯州府貴縣北山有石牛旱亦殺牲取血和泥塗背復用鹹鹵

塗其口歌牧牛詩以祀之輒得兩牛止其泥亦盡

燃石出高安縣黃白而疎理水灌之則熟置鼎其上足以熟物
定遠縣治後有判虎臺宋包拯為令時虎有傷人者捕繫臺下
石判之傷人者垂頭俯伏否則咆哮不已因格殺其伏者而
縱其鳴者其石今存

膽泉在德興縣北銅山下以泉浸鍊數日類朽木刮其屑煨煉
成銅

永康縣西有石高丈五上有八牛二迹各長八寸又縣西三十
里有石廣數丈文采如錦

閩仙洞在桐廬縣北洞中有石床卧之甚温有石鼓擊之有聲

又有石龍石橋石蟾碧雞之類

嚴劍府東二十五里有船石長一丈五尺宛若一船

建德縣草堂寺北有金雞石昔有金雞出現唐羅隱題金雞不
向五更啼之句石遂迸裂有雞飛鳴而去石迹今存

五仙觀在番禺縣治晉有五仙人騎五羊各持穀穗一壘俱六
出其衣與羊色各如五方遺穗與州人而去羊化為石今存
郡號五羊者以此

上高縣有蒙山洞深不可究有石立岩間上下無所附名無根
石

湘潭縣下攝鎮江中有巨石如牛鏡色水涸則現云西南六十

里有石潭市瀕江巨石上有仙人足迹長一尺五寸指躋俱全

玉女山在畧陽縣東南山極高峻雲霞掩映不見其巔山半有白石如人冠冕坐于厓間又前有白石數層如人侍立狀連城縣天馬山有怪石昂截若馬爭奔風雨夜則嘶鳴則鄉里不靖元末其首為震雷所擊

叙州府青衣江側有石對立如夫婦相向無子者禱之多應龍門洞在尤溪縣東洞中有石龍石床石碁局石碁子又縣西有靈源井水遇米價高則湧溢四出平則土四五尺甚驗岳州黃鶴樓西臨厓有石如鏡其色蒼澁無異凡石但為西日

所照則炯然發光

大冶縣白雉山有獅子石土人遇旱祠而泉之可舉則雨若不雨則負者雖衆不能舉

武昌縣殊亭更有怡亭其銘刻於江濱巨石上乃唐李陽水篆李莒八分書裴虬為之銘世稱三絕

福清縣石竺山宋乾道三年夜半聞山上有聲如雷詰旦見山頂大石方九丈移置山腰間舊有碑云天寶石移狀元來期龍爪花紅狀元西東邑境有石陂曰天室是歲永福人蕭國梁魁天下永福在福清西又三年興化鄭僑繼之正在福清東卒應兆又是山石多蛤蚧龜山蛇水鶴形石諸異

九曜石在廣郡藥洲即今濂溪書院石有如象如人者其數凡
九色類太湖石蓋劉鋹時故物

績溪縣南有潭廣十丈中有巨石其痕如印文狀境有大焚山
拜形矯首其狀如犬山半有岩中產菜如玉

韶山在韶州府東北百里山多奇石韶石為最韶石三十六雙
闕為最拔起百餘仞相去三四里或狀如花瓶或似香爐其
旁有鳳閣石宝蓋石素樂石樓閣石駱駝石三峰石符石左
迷門石右迷門石媳婦石獅子石太平石左闕石右闕石大
香爐石小香爐石馬鞍石虹霓石富石十曰石井朝仙石
蓮花石圓石鐘石船石硯石帽峯石桃石羅仙石止魚鱗石

下魚鱗石倉石廩石田二使君石二共三十六松石
廣德州南二十里有仙石山石高二丈許平坦可履舊傳日夜
嘗見仙人獨立石上今迹猶存又去城五十里有金雞山石
洞中遇夜陰晦輒見火光燁然嘗見金雞飛翔其上東南五
十里有石鼓山巨石如鼓下有石如架過陰雨則鼓自鳴後
墜於山南亂石中山之峯巔有石高二丈如婦人狀藤蘿紫
繞宛若衣帔獨露其面樵者莫敢犯

永州祈陽縣有石燕山石色深紺其狀如燕每雷風相薄則群
飛頡頏雨止復化為石

曲江縣雙下都有逃石屹立二十餘丈舊在桂陽汝城縣一夜

迅雷移至此

休寧縣南潭旁有石如牛遇旱鄉人塗其背輒得雨

清遠縣東山峽中有石闊三十餘丈每春龍出輒磨角其上歲增新痕水落即見之

杭州西五十里有仙人基石以丹砂為其為路黑白石子並存景星石在增城縣北空洞高殿中有石如臺閣或如洧廊或形如鼓擊之聲石乳流結狀如室蓋旂幡中幽暗深宵非秉燭莫入

鍾乳嶺在乳源縣北高餘百仞五峰聯翠山腰有岩產鍾乳粉乃岩穴陰處溜山液而成者空中相通長者五六寸如蠶絲

狀碎之如爪甲中無度齒光明者善色白微紅性溫能補

仁化縣南有潼峽石二石對峙高各五十餘丈周圍各五里石壁上有仙人迹長七尺又縣南縣街都有觀音石高六十餘丈周圍五里儼若觀音趺坐之像

成都府北有武擔山舊傳武都山精化為女子蜀王納為妃不習水土而死王遣五丁擔土為塚穀畝高七丈上用一瑩潔石為墓表今存號石鏡

廣安州北十里路旁井中有石龜每遇冬夏輒自轉首所指之方歲必豐稔又州東江中有巨石圍圓二丈餘中高四垂俗名涼繖石

大竹縣西南百里溪中有巨石長三丈許宛若一船
長興縣北二十里陳武帝徵時常於此磨劍至今石上有膝迹
及植鎗石穴存云

德清縣北有半月泉出石罅間狀若半月雖時有旱澇泉無盈
涸

壽昌縣東南山有大石以小石投之其聲如鼓邑有灾沴則不
擊自鳴又縣西有金雞岩昔有過之者聞石中雞聲剖石得
一物如有金聲石竅今存

徐州漢高祖廟有石高三尺中裂如破竹不盡者僅寸許相傳
為帝試劍石九里山石上亦有樊噲磨劍迹

旌德縣西有仙人橋俗傳橋成有仙人過之今石上二巨人迹
猶存縣東有鳧山上有巨人迹馬蹄石鵝藥臼

行廊山在寧國府西二峰對峙環抱若行廊然上有磐石巨人
迹去府南有石鼓山石如鼓天雨則鳴

望江縣有磨义山下有巨石如駝象形上有磨义痕及馬蹄人
迹又有一穴大如錢許其下空洞莫測

成都府嚴真觀有支機石即乘槎入天河得之以問嚴君平者
曲江縣西南鳳冲都地皆平坦一石獨峙立高餘五十丈名奇
石又縣南賢相都有書堂岩乃張九齡讀書處外岩深闊俱
二丈内岩尤深軒豁明朗泉清而潔中有石床石鐘邑人以

此地為文章氣脉下雖有地莫有耕鋤之者

樂平縣有釣臺石上有膝迹宋許惟中詩云何代何人把釣緝

至今猶有釣臺存身名俱隱成真隱呂滄嚴灘未足論

泰和縣西黃牛岡有黃牛石能盜官倉史官司嘗令人壓伏其

怪見其下有一小石貯米數多宋乾道間一夕風雨忽自移

其處

錢倉在弋陽縣東有石臨水如廩高數丈晉太和中漁人見石

開其錢自出須復合

石鼓山在德安縣西北每天陰輒聞鼓聲貴溪縣亦有石鼓如

聞聲主兵亂

池州府西南有江祖山有石突出水際其高數丈上有仙人迹

銅陵縣石耳山真人峰有迹在石甚巨

紅旗峒在香山縣南長江山中舊傳峒側有地名狂魚出水鄉

人有葬其地者生子驍勇過人且神異非常恒以蓆為船渡

江入城旦去暮回又鑿石為船將以渡海母患之發塚徙葬

他所其子遂瀦今石船猶存

望夫山在太平府北舊傳有人適楚不返其妻登山望之遂化

為石今山頂有石宛如婦人

蕪湖縣東荆山東南麓有大石下有一穴上有龜紋又一石相

對有仙鶴之迹

麻城縣東龜峰山有人迹石相傳唐真應禪師立化之地足跡
印莓苔間深四寸山下有馬迹石唐太宗駐驛此山馬迹見
于石又縣西北十里有萬年松形迹奇古今皆存

柳城縣東北有石出自平地周圍半里上有二足迹俗傳鐘呂
二仙所遺

博白縣雙角山有綠珠井舊傳梁氏女綠珠有姿色石崇以珠
三斛買之宅存舊井汲飲者必誕美女里人以為無益巨石
鎮之

石牌灘在永州府北石皆成片段聯綴如牌後舊傳秦皇造橋
海上吳人乘石牌助之始皇死遂棄此

涪州鑑湖上流有石刻雙魚皆三十六鱗一啣萱草一啣蓮花
又有石秤石斗在旁魚現則年豐又合州涪江有石立水中
正圓如月水落時即出高可三丈俗名石鏡

南充縣東四十里有畫卦石其平如砥上畫八卦舊傳周柱下
史李耳以足畫之者遺迹今存

廣安州常樂寺有繫條石舊有異人至此禮塔解條繫石而去
其痕今存

寧州有畫山石上有文粲然若戰馬狀無異畫圖

撫州府儒學前多石龍骨中空成段鱗甲儼然首在東門為人
取去又城南三十四里亦有石龍高丈餘周六百五十步隱

然如龍鱗甲具備

蘇州府西南有遮山弘治八年山上巨石自移而下為牧童驚叱而止是年郡人朱希周登第

新昌縣東石佛鋪有大石佛軀長十丈六尺

太平縣治西山有石巖若觀音像踞坐岩頂

平茶洞長官司南有諸葛洞相傳武侯征九溪蠻留宿洞中設一床懸粟一握以抹馬後遂化為石床與石粟今存

山川紀異錄

村郭類

嚴州府西四十里有黃饒村唐末黃巢亂境有異僧陳尊宿織大草履置木杪賊至見履曰彼有人焉不可輕犯遂出境因

奔

白雲山有柏柱大十圍圍一丈方公孫述時檣碎之出血結

如血地最窪下每夏水漲諸河俱沒此獨存焉

沃川縣石經村有大石生之地其地方百里夷人不敢居牧

有過者... 故也

言... 縣南有... 臺上有...

代時嘗夜有神人震動其上者千萬人聲及旦視之見有土

城周數里宋熙寧中兵亂鄉人脩其城以避寇得免難

碩項湖在安東縣西北秦時謠去城門有血城當陷沒一老姆

獨臺之北且性觀門者知其故以血塗門姆見即走上伊

萊山水尋至城陷為湖今山有神母廟高祿時湖嘗涸西南

隅城址及井竈數十處俱見焉



